



Siège national  
47 rue d Clichy  
75311 Paris Cedex 09  
Tél : 01 45 96 03 05

## FIARAHA-MIVAVAKA 28 AOGOSITRA 2020

### JESOSY, IRAKY NY FANJAKAN'NY LANITRA

Lohahevitra anio : Ny fandraisana ny asa misionan'i Jesosy

Pasitera RAKOTO ANDRIANAVONY Toky

Amin'ny anaran'ny Ray sy ny Zanaka ary ny Fanahy Masina

#### **Salamo 31. 1-8**

TOMPO ô! Ianao no ialofako. Aoka tsy hitsanga-menatra akory aho mandrakizay! Afaho amin'ny fahamarinanao aho! Atongilano amiko ny sofinao, faingàna hanafaka ahy! Aoka ho vatolampiko fiarovana mafy Ianao mba hamonjen a ahy! Fa harambatoko sy manda fiarovana ho ahy Ianao ary noho ny anaranao no hitondranao sy hitarihanao ahy. Han afaka ahy amin'ny fandrika harato izay nafeniny hamandrihany ahy Ianao, fa Ianao no fiarovana mafy ho ahy. Eo an-tana nao no atolotro ny fanahiko; fa efa nanavotra ahy Ianao, TOMPO ô, Andriamanitry ny fahamarinana! Hal ako izay mifikitra amin'ny zava-poana mamitaka, fa izaho dia NY TOMPO no itokiako. Hifaly sy hiravoravo amin'ny f amindramponao aho fa mahita ny fahantrako Ianao ka mahafantatra ny fahorian'ny fanahiko ary tsy mba nanolotra ahy ho eo an-tanan'ny fahavalo fa efa mampitoetra ny tongotro teo amin'ny malalaka Ianao.

- **Hira** FFPM 470 - Ny foko ry Mpamonjy (1,4)

#### **Vavaka**

#### **Fampidirana**

- **Hira** FFPM 470 - Ny foko ry Mpamonjy (5)

#### **Vakiteny 1 - Matio 11. 1-6**

1 Ary rehefa vitan' i Jesosy ny nandidiany ny mpianany roa ambin' ny folo lahy, dia niala teo Izy hampianatra sy hitoriteny any an-tanànan' ny olona.

**Ny nanirahan' i Jaona Mpanao-batista tany amin' i Jesosy, sy ny teny nataon' i Jesosy tamin' izany.**

2 Ary rehefa ren' i Jaona tao an-trano-maizina ny asa nataon' i Kristy, dia naniraka ny mpianany izy 3 hanao aminy hoe: Hianao va Ilay ho avy, sa mbola hafa no andrasantsika? 4 Ary Jesosy namaly ka nanao taminy hoe: Mandehana hianareo, ka ambarao amin' i Jaona izao renareo sy hitanareo izao: 5 Mahiratra ny jamba, ary afaka ny mandringa; diovina ny boka, ary malady ny marenina; atsangana ny maty, ary ny malahelo dia itoriana ny filazantsara. 6 Ary sambatra izay tsy ho tafintohina noho ny amiko.

- **Hira** FFPM 479 - Jeso no anajara soa (1,2)

#### **Vavaka any amin'izay misy antsika**

- Fisaorana sy fiderana an'Andriamanitra noho ny fahasovany ka nanomezany ny finoana Azy sy ny fiainana mandrakizay ao amin'ny Kristy
- Samy manana ny fahoriana sy zava-tsarotra atrehina isika. Mangataka fampaherezana avy amin'ny fanahy masina ka mba hijoro amin'ny finoana sy ny fanarahana ny Tompo.

#### **Vavaky ny mpitandrina**

## Vakiteny 2 - Matio 11. 7-19

7 Ary nony lasa ireny, dia vao nilaza an' i Jaona tamin' ny vahoaka Jesosy ka nanao hoe: Hizaha inona no nivoahanareo nankany an-efitra? Volotara nohozongozonin' ny rivotra va? 8 Sa hizaha inona no nivoahanareo? Olona mitafy soa va? Indro, ny mitafy soa dia ao an-tranon' ny mpanjaka. 9 Sa hizaha inona no nivoahanareo? Mpaminany va? Eny, hoy Izaho aminareo, sady mihoatra lavitra noho ny mpaminany izy. 10 Izy no ilay voasoratra hoe: Indro, Izaho maniraka ny irako hialoha Anao, Izay hamboatra ny lalanao eo alohanao. 11 Lazaiko aminareo marina tokoa: Amin' izay nateraky ny vehivavy tsy mbola nisy nitsangana izay lehibe noho Jaona Mpanao-batista; nefa ny kely indrindra amin' ny fanjakan' ny lanitra dia lehibe noho izy. 12 Ary hatramin' ny andron' i Jaona Mpanao-batista ka mandraka ankehitriny ny fanjakan' ny lanitra dia rombahina, ary ny mpandrombaka maka azy an-keriny. 13 Fa ny mpaminany rehetra sy ny lalàna dia naminany hatramin' i Jaona. 14 Ary raha mety mandray hianareo, dia izy no ilay Elia izay ho avy. 15 Izay manan-tsofina ho enti-mihaino, aoka izy hihaino. 16 Fa tahaka ny inona no hanoharako ity taranaka ity? Tahaka ny ankizy madinika mipetraka eny an-tsena izy, izay miantso ny namany ka manao hoe: 17 Efa nitsoka sodina taminareo izahay, nefa tsy nandihy hianareo, efa nanao feo fisaonana izahay, nefa tsy niteha-tratra hianareo. 18 Fa tonga Jaona tsy nihinana na nisotro, ka hoy ny olona: Manana demonia izy. 19 Tonga ny Zanak' olona mihinana sy misotro kosa, ka hoy ny olona: Indro, olona fatra-pitia hanina sy mpisotro divay, sakaizan' ny mpamory hetra sy ny mpanota. Fa ny fahendrena dia hamarinin' ny asany.

- **Hira** FFPM 479 - Jeso no anajara soa (4,5)

### Vavaka any amin'izay misy antsika

- Mba ho sokafan'Andriamanitra ny sofina ka handre sy hahazo tsara ny filazantsara ny Fiangonana
- Mba handravàna amin'ny anaran'i Jesosy izay sakana rehetra tsy andraisana ny asampanavotana nataon'i Jesosy Kristy

## Vavaky ny mpitandrina

### Vakiteny 3 - Matio 11. 20-24

#### Ny nitenenan' i Jesosy mafy ny tanàna izay efa nanaovany fahagagana maro

20 Ary tamin' izany dia vao niteny mafy ny tanàna izay nanaovany ny ankamaroan' ny asany lehibe Izy, satria tsy nibebaka ireo, ka nanao hoe: 21 Lozanao, ry Korazina! Lozanao, ry Betsaida! fa raha mba tany Tyro sy Sidona no natao ny asa lehibe izay natao teo aminareo, dia ho efa nibebaka ela tamin' ny lamba fisaonana sy ny lavenona ireny. 22 Fa lazaiko aminareo fa ho moramora kokoa ny ho amin' i Tyro sy Sidona amin' ny andro fitsarana noho ny ho aminareo. 23 Ary hianao, ry Kapernaomy, hasandratra hatrany an-danitra va hianao? Hietry hatrany amin' ny fiainan-tsi-hita hianao; fa raha mba tany Sodoma no natao ny asa lehibe izay natao teo aminao, dia ho naharitra ambaraka andro-any izy. 24 Fa lazaiko aminareo fa ho moramora kokoa ny ho amin' ny tany Sodoma amin' ny andro fitsarana noho ny ho aminao

- **Hira** FFPM 381 - He, ny fiantsoana (1, 2)

### Vavaka any amin'izay misy antsika

- Mangataka ny fanahin'ny fibebahana ka andraisana ny famonjena
- Hampamohana bebe kokoa izay mandre ny tenin'Andriamanitra sy ireo mahita ny asan'Andriamanitra. Hangataka ny hitairizan'Andriamanitra ny fon'ny mino

## Vavaky ny mpitandrina

## Vakiteny 4 - Matio 11. 25-30

25 Tamin' izany andro izany dia namaly Jesosy ka nanao hoe: Midera Anao Aho, Raiko, Tompon' ny lanitra sy ny tany, fa nafeninao tamin' ny hendry sy ny manan-tsaina izany zavatra izany ka nasehonao tamin' ny zaza madinika. 26 Eny, Raiko; fa izany no sitraponao. 27 Ny zavatra rehetra natolotry ny Raiko Ahy; ary tsy misy mahalala tsara ny Zanaka, afa-tsy ny Ray; ary tsy misy mahalala tsara ny Ray, afa-tsy Zanaka sy izay tian' ny Zanaka hanehoana Azy. 28 Mankanesa atỳ amiko, hianareo rehetra izay miasa fatratra sy mavesatra entana, fa Izaho no hanome anareo fitsaharana. 29 Ento ny ziogako, ka mianara amiko; fa malemy fanahy sady tsy miavona am-po Aho; dia hahita fitsaharana ho an' ny fanahinareo hianareo. 30 Fa mora ny ziogako, ary maivana ny entako.

- **Hira** FFPM 381 - He, ny fiantsoana (3, 4)

## Vavaka any amin'izay misy antsika

- Mangataka finoana sy fanetre-tena amin'Andriamanitra ary hanatona ny Tompo
- Mivavaka ho an'ny asa fitoriana ny filazantsara eo amin'ny firenena misy antsika.

## Vavaky ny mpitandrina + Vavaka nampianarin'ny Tompo

### Hafatra

Ry Ziona, izay mitondra teny soa mahafaly ô, miakara any an-tendrombohitra avo; ry Jerosalema, izay mitondra teny soa mahafaly ô, asandrato mafy ny feonao, asandrato fa aza matahotra; lazao amin'ny tanànan'ny Joda hoe: Indro Andriamanitrareo! - Isaia 40:9

- **Hira** FFPM 309 - Iza no hitantara (3,4)

### Tsodrano

Hitahy anao anie NY TOMPO ka hiaro anao; hampampirapiratra ny tavany aminao anie NY TOMPO ka hamindra fo aminao; hanandratra ny tavany aminao anie NY TOMPO ka hanome anao fiadanana. - Nomery 6:24-26

Amin'ny anaran'ny Ray sy ny Zanaka ary ny Fanahy Masina . Amena